

CONVENIO DE COLABORACIÓN ENTRE A CONSELLERÍA DE POLÍTICA SOCIAL E XUVENTUDE E A FUNDACIÓN CAMIÑA SOCIAL PARA A ATENCIÓN RESIDENCIAL E A INTERVENCIÓN EDUCATIVA INTEGRAL CON PERSOAS MENORES QUE TEÑEN QUE CUMPRIR MEDIDAS XUDICIAIS PRIVATIVAS DE LIBERDADE PREVISTAS NA LEI ORGÁNICA 5/2000, DO 12 DE XANEIRO, REGULADORA DA RESPONSABILIDADE PENAL DOS MENORES NO CENTRO DE REEDUCACIÓN CONCEPCIÓN ARENAL (A CORUÑA).

O director xeral de Familia, Infancia e Dinamización Demográfica da Consellería de Política Social e Xuventude **DECLARA:**

Que a Consellería de Política Social e Xuventude asina coa Fundación Camiña Social o instrumento convencional arriba referido por un período de vixencia que abrangue dende o 1 de setembro de 2022 ata o 31 de agosto de 2024.

Que o instrumento convencional ten por obxecto regular a colaboración entre a Consellería de Política Social e Xuventude e a Fundación Camiña Social para a atención residencial e a intervención educativa integral con persoas menores que teñen que cumprir medidas xudiciais privativas de liberdade previstas na Lei orgánica 5/2000, do 12 de xaneiro, reguladora da responsabilidade penal dos menores no centro de reeducación Concepción Arenal (A Coruña). Así mesmo, incluírá a atención dos fillos e fillas menores de tres anos que convivan coas súas nais internadas, de acordo co previsto na letra n) do artigo 56 da Lei orgánica 5/2000, do 12 de xaneiro e no artigo 34 do Real Decreto 1774/2004, do 30 de xullo, polo que se aproba o regulamento da citada lei. Que existe converxencia de intereses entre as entidades asinantes en orden á consecución do obxecto referido. Que o instrumento convencional que se pretende asinar fundaméntase no seguinte:

Primeiro. A Lei orgánica 5/2000, do 12 de xaneiro, establece no artigo 45 que a execución das medidas adoptadas polos xulgados de menores nas súas sentenzas firmes corresponde ás comunidades autónomas, que poderán establecer os convenios ou acordos de colaboración necesarios con outras entidades, ben sexan públicas, da Administración do Estado, Local ou de outras Comunidades Autónomas, ou privadas sen ánimo de lucro, para a execución das medidas da súa competencia, baixo a súa directa supervisión, de acordo cos principios de cooperación e colaboración, e sen que iso supoña en ningún caso a cesión da titularidade e responsabilidade derivada da súa execución.

Segundo. Correspóndelle á Consellería de Política Social e Xuventude, a través da Dirección Xeral de Familia, Infancia e Dinamización Demográfica, a execución das medidas ditadas polos xulgados de menores, nos termos establecidos na Lei orgánica 5/2000, do 12 de xaneiro, de acordo co establecido no artigo 13 do Decreto 124/2022 do 23 de xuño polo que se establece a estrutura orgánica da Consellería de Política Social e Xuventude.

Terceiro. A execución das medidas xudiciais ten por obxecto procurar a reinserción e reeducación das persoas menores infractoras. Isto require unha intervención que debe ser levada a cabo por un equipo multidisciplinar de profesionais especializados nas áreas psicosocial e educativa, que dean resposta ás especiais características que presenta o colectivo obxecto de atención: carencia de ferramentas e habilidades sociais, cognitivas e/ou laborais; pertenza a familias desestructuradas, multiproblemáticas e/ou permisivas e con poucos ou ningún referente social positivo; presenza frecuente de consumo de substancias nocivas para a saúde; alto grao de absentismo e fracaso escolar; baixa autoestima, autoconfianza e tolerancia á frustración. Ás anteriores variables súmanse con frecuencia especificidades como a condición de migrante ou a orixe étnica, que engaden novos condicionantes como a inexistencia de referentes familiares, problemas de documentación ou barreiras idiomáticas e culturais.



Cuarto. A Administración non conta cos medios persoais necesarios para a execución das medidas privativas de liberdade. Co obxecto de garantir a correcto desenvolvemento desta competencia que a Lei orgánica 5/2000, do 12 de xaneiro, lle atribúe, considerouse necesario acudir a fórmulas colaborativas con entidades privadas para o desenvolvemento da súa actividade, ao abeiro do establecido nos artigos 45 da Lei orgánica 5/2000, do 12 de xaneiro e 8 do Decreto 1774/2000, do 30 de xullo, polo que se aproba o regulamento da LORPM.

Quinto. O carácter singular da intervención determinou a necesidade de establecer convenios de colaboración con entidades especializadas na intervención con menores de cara á consecución de obxectivos compartidos, encamiñados á inserción e reeducación da persoa menor, que realizarán as súas funcións sen unha compoñente lucrativa, prestando a súa colaboración a cambio exclusivamente dunha compensación polos gastos ocasionados polo exercicio da actividade, conservando a Administración a responsabilidade da execución das medidas xudiciais, tal e como establecen os citados artigos 45 da LORPM e 8 do Real Decreto 1774/2004, do 30 de xullo, polo que se aproba o seu Regulamento .

Sexto. Dada a existencia dunha pluralidade de entidades entre cuxos fins se atopa a intervención socioeducativa con mozos e mozas, capacitadas para desenvolver os programas de intervención co menores, valorouse necesaria a articulación dun procedemento de selección que garantise os principios de publicidade, transparencia, concorrencia, obxectividade e non discriminación, e que posibilite a elección dun proxecto que asegure unha mellor calidade técnica da intervención, co fin de que se realice unha execución adecuada das medidas en beneficio do/a menor e tendo en conta os seus intereses.

Sétimo. O 23 de xuño de 2022 publicouse no *Diario Oficial de Galicia* a Resolución do 7 de xuño de 2022 pola que se convoca o procedemento de selección de entidade privada sen ánimo de lucro para a atención residencial e a intervención educativa integral con persoas menores que teñen que cumprir medidas xudiciais privativas de liberdade previstas na Lei orgánica 5/2000, do 12 de xaneiro, reguladora da responsabilidade penal dos menores no centro de reeducación Concepción Arenal (código de procedemento BS213D).

Oitavo. No Diario Oficial de Galicia de 22 de agosto de 2022 publicouse a Resolución do 11 de agosto de 2022 da Dirección Xeral de Familia, Infancia e Dinamización Demográfica pola que se publica a resolución de 10 de agosto do 2022 de selección de entidade privada sen ánimo de lucro para a atención residencial e a intervención educativa integral con persoas menores que teñen que cumprir medidas xudiciais privativas de liberdade previstas na Lei orgánica 5/2000, do 12 de xaneiro, reguladora da responsabilidade penal dos menores no centro de reeducación Concepción Arenal (A Coruña).

En virtude da dita resolución do 10 de agosto de 2022 seleccionouse á Fundación Camiña Social para levar a cabo a atención residencial e a intervención educativa integral con persoas menores que teñen que cumprir medidas xudiciais privativas de liberdade previstas na Lei orgánica 5/2000, do 12 de xaneiro, reguladora da responsabilidade penal dos menores no centro de reeducación Concepción Arenal (A Coruña), en aplicación dos criterios de valoración e baremo do apartado décimo primeiro do anexo I da Resolución do 7 de xuño de 2022.

Noveno. Os intereses converxentes das partes exclúen o ánimo de lucro e non poden satisfacerse axeitadamente mediante a celebración dun contrato dos contemplados na Lei 9/2017, do 8 de novembro, de contratos do sector público, pola que se traspoñen ao ordenamento xurídico español as Directivas do Parlamento Europeo e do Consello 2014/23/UE e 2014/24/UE, de 26 de febreiro de 2014. En atención ao exposto e co fin de dar cumprimento ao preceptuado no artigo 15.2 da Lei 1/2016, do 18 de xaneiro, de transparencia e bo goberno, estímase xustificada á sinatura do instrumento convencional que se pretende con exclusión doutras figuras.

E para que conste, en Santiago de Compostela na data de sinatura dixital

O director xeral de Familia, Infancia e Dinamización Demográfica

Jacobo Rey Sastre

